

Außstaffierung der Meergewächsen/ ja nicht anderst/ als an einer sonst grossen kostbarn Machina gnugsamb wahrnehmen/ beneben auch vnd gleicherweisz die lustige Wasserspil gaudiren/ wie dann derselben eigentliche beschaffenheit hernach wird zu vernennen seyn.

Das Kupfferblatt N: 11.

Der Mahlerische Durchschnitt zu der Grotten.

Dennach in vorgehendem Kupfferblatt N: 7. An-
 deutung geschehen/ daß hinder dem Hauß/ vnd gegen Partem
 Occidentalem, ein .64. Schuch lang/ vnd .36. Schuch breites
 Lustgärtlin sich befinde/ welches nun mit seinen Außtheilungen vnd Be-
 setzung des Blumwercks/ wie damahlen gemeldet worden/ versehen ist/ zu
 dessen drey Seiten/ mag man vorgehörter massen vnder drey von Stein-
 Obs bedeckten Driettern ein lustigen Spaziergang haben / an deren
 Haupt gegen Meridiem, wird ein Wäldlin von Fruchtbäumen zu hin-
 derst desselbigen aber/ ein Saloto, vnd also im grünen stehend/ gefunden/
 allda dann zu Sommerzeiten stille Ruhe vnd Recreation zu haben ist/
 Nahend darbey/ vnd also zwischen zwey Driettern/ stehet ein mit Kupffer
 bedeckter Wasserthurn oder Grottenwercklin/ in Form einer Italianischen
 Kirchen / Cupola erbawet/ welche Grotta dann/ wie gemeldet/ ich nach
 meiner Benigkeit/ selbst inuentirt, gemacht/ vnd so gut als ichs etwan
 an denen mit mir auß Italia gebrachten Meergewächsen im Vermögen
 gehabt/ außgerüstet/ darmit als ein gemeine Privat Person mich con-
 tentire, wie aber solche mit Meergewächsen ist ornirt worden/ daß wird
 in folgender Beschreibung zu vernennen seyn.

Vmb bessers Verstands willen/ so ist diser Mahlerische Durchschnitt
 solcher Gestalt / vnd nicht anderst vorgebildet worden/ als obbesagte
 Grotten von oben an/ biß vnden auß/ iust in der Mitten/ von einander
 were geschnitten/ oder geseget worden. damit man hierdurch all vnd jeder
 darinn stehenden Dingen/ gründliche Beschaffenheit sehen möge. Bey
 A. der hindere an jeko offen stehende Laden (jeder Laden aber/ ist mit einem
 eisern Gätter also beschlossen vnd versehen/ daß einige frembde Person nit
 hinein langen/ noch der Staffierung Schaden zufügen kan/) daselbsten
 dann der jenige stehet/ welcher durch die allda einverleibte drey messine
 Hanen alle Wasserspil/ mit gar geringer Mühe/ vnd guter Commo-
 ditet regieren kan. Bey
 B. der ander gegen Meridiem, vnd
 C. der dritte/ gegen Septentrionem ligende Laden/ der vierdte vnd in Fasia
 stehende gegen Orient gebaute Laden aber/ mag jektmals/ von wegen dises
 Durchschnitts nit gesehen werden. Bey besagte drey letztern Läden aber können
 die den Wasserspilen zu schawende Personen iren stand haben/ auch daselbste
 Recrea-

D: Kupf-
 ferblatt
 No: 11.

Der mah-
 lerische
 Durch-
 schnitt zu
 der Grot-
 ten.